


Pietas Pontificia,

S E U,

Conjunctionis illius prodigiosæ, et
*post natos homines maximè execranda, in Iacobum
primum magnæ Britannia Regē, Augustam, Principem
Henricum, totamque Familiam Regiam: nec non Or-
dines omnes Regni, ad summum Parliamenti Concili-
um convocatos, Nouembris quinto, An. Dom. 1605.
inaudito et diabolico stratagemate designanda, & sola
virgulâ diuinâ, non multis ante præstitutum Facinoris
Tempus, horis, patefacta, brevis Adumbratio Poetica:*

Ad illustriss. et potentiss. Principem, Iacobum
primum, magnæ Britannia, Gallia, et
Hybernia Regem:



Ausore Fr: Heringio, D. Med. Coll. Med.
Lond. Socio:

Excus. Typis J. Roberts, Typogra-
phi Lond. pro Ric. Boyle.
An: Dom: 1606.

1093 L. 40

~~E. 1944~~

1


Pietas Pontificia,

S E U,

Conjunctionis illius prodigiosæ, et

*post natos homines maximè execranda, in Iacobum
primū magnæ Britannia Regē, Augustam, Principem
Henricum, totamque Familiam Regiam: nec non Or-
dines omnes Regni, ad summum Parliamenti Concili-
um convocatos, Nouembris quinto, An. Dom. 1605.
inaudito et diabolico stratagemate designanda, & sola
virgulā diuinā, non multis ante præstitutum Facinoris
Tempus, horis, patefacta, brevis Adumbratio Poetica:*

Ad illustriss. et potentiss. Principem, Iacobum
primum, magnæ Britannia, Gallia, et
Hybernia Regem:



Aushore Fr: Heringio, D. Med. Coll. Med.
Lond. Socio:

Excus. Typis J^a. Roberts, Typogra-
phi Lond. pro Ric. Boyle.

An: Dom: 1606.

Prou: 21. v. 35.

*Nulla est Sapientia, nullaque Intelligentia, et nullū Consiliū
ex aduerso Iehoua.*

Psal. 121. v. 4.

*Eccè neque dormit, neque dormitat Custos
Israhelis.*

Pf. 9. v. 17.

*Notum se fecit Iehoua, iuditio quod exercuit, quum suo Ip-
sius factō illaqueatus est improbus.*





PIETAS PONTIFICIA.

S Vrgens (Musa) redi Studia ad contempta, diuque
Intermissa nimis, suspensaquē postibus Arma
Arripe : ni facias, postes, et saxa sonabunt
Barbaricum facinus, quo *Phæbus* atrocius vnquam
Nil vidit : *Pario* describi Marmore dignum.
Tu (*Pater omnipotens*) cuius nos Gratia viuos
Immensa immeritos seruat, da viuere, laudes
Concelebrare tuas, et iustis annue Cœptis.

M Onstrū horrendū, infame, cano, crudele, superbum;
Lucifer ex magna nuper *Meretrice*, nefando
Concubitu, densis tenebris, Erebiq̃ue Cauernis
Extremis genuit ; Soli, Cœloque tremendum.
Purpureum statim Scortum ad *Lerneæ* remisit
Stagna, vbi clam peperit, Romano et lacte cibauit.
Anguis hic, antiqua longè damnosior Hydra,
Prodigium humani Generis, crescebat in horas.
Mortifero postquam Mater turgere Veneno,
Serpentino astu præcellere, & Artibus Orci
Instructum omnimodis agnouit, talibus Ipsum
Compellat verbis, monitisque salubribus ornat.
Gens inimica mihi, magnoque inuisa Parenti
(Si qua alia) est *Britonum*, *Petri* quæ plurima Regno
Damna tulit, maiora etiam molitur, et optat
O quantos olim reditus, et opima quotannis
Munera, *Apostolica Sedis* soluebat in Arcas ?

Pietas Pontificia.

Quam laute nostras fecit sumare Culinas?
Quarum (quippe licet tibi verum Gnate fateri)
Semper erat primus (quicquid præteximus) Ardor.
Quanta aluit Fratrum sanctorum Examina? quantas,
Quam augustas Moles, Cælumque minantia Templas,
Diuipearæ auspicijs construxit Virginis, atque
Cælitibus reliquis, quos nos donauimus Astris?
Nullus in Vrbe Locus fuerat, modò diues, amænus,
Nullus Agro, nostri quem non tenuere Coloni.
Natio tota meos passim resonabat Honores.
Anglia Romanum Fiscum Prouincia diues,
Litibus assiduus auxit magis omnibus vna.
Gallia non Illi par, aut *Germania* lata.
Regia (quid multis) vicere Æraria grandes
Prouentus, forsan mira, at verissima narro.
Et tantam Me posse putas, de faucibus æquo
Ferre Animo ereptam *Lutheri* ex Dogmate prædam?
Non patiar: certum est vlcisci; transfuga postquam
Sacrilegus, nostras Acies, et Castra reliquit
Catholica, heu quantis turbis, subitisque procellis,
Concussum est triplici Regnum Diademate fulgens?
Germanos secum multos, *Gallosque*, *Britannos*
Ferre omnes, sancto *Petri* de Corpore vultit.
Sum *Regina* potens (dixi) nunquamque monebor:
Tempora Me viduam, miseram Me nulla videbunt.
Sed nè te longo nimium sermone fatigem,
Res nostræ assidue nutantes, quærere cogunt
Consilia, atque nouas *Plutonis* tradere Technas
Ineudi, implicitis Stratagemata texere gryphis.
In Te spes sola est, Patris documenta, measque
Tu calles omnes Rationes, i pede fausto,
Littora ad *Albionis* pulchræ, Regnumque rebelle,

Pietas Pontificia.

Per fas, perque nefas, ad nostra reducito Sceptra.

Ille iter aggreditur, Maternaue iussa facessit
Ocyus, et toto diuisos orbe *Britannos*,
Cautus adit, *Myrtam* simulans, (*Cacodemonis* iste
Mos vetus, vt *Lucis* fallat vestitus amictu
Tectius) et *Fawksi*, seu *Falsi* nomine notus,
Hic, alibi *Ionston*, *Fosterus*, *Brunius*, alter
Proteus, in formas facile versatilis omnes.

Pro ratione loci, Regio noua singula Nomen
Mutat, Mens eadem remanet, studiumque necendi.

Prensat vbique homines, cæco Meretricis Amore
Flagrantes nimum multos, tacitisque susurris,
Aegypti optantes patinas, atque aurea magnæ
Pocula *Regina*, veterem quæ rexerat Orbem.
Excitat his Animos, et spes attollit in altas.
Fatalesque Dies, et ineluctabile Tempus,
Caluini asseclis *Bezeque* instare Ministris:
Affore iam Tempus memorat, quo mœnia *Romæ*
Ædificent, hostes plectent, priscumque nitorem
Catholicæ reddant Fidei; mellita *Simonis*
Verba, auidè excipiunt, et lætis mentibus abduunt.
Seque, suas operas, et vota ardentia spondent.

Ille ergò inflatus rectis successibus, *Aulam*
Regalem inuadit, quam lætus obambulat, inter
Anglorum Proceres, Generosorumque Catervas,
Magnus vbi dextra quatiebat Sceptra potente,
Vnanimi applausu, Solium qui ascendit auitum,
Jacobus, primo cuius Clementia Regni
Introitu, Ciues sese diffudit ad omnes.
Sic ratus egregius Princeps, se posse rebelles
Papicolūm mollire Animos, et flectere duras
Ceruices: aliter longè res celsit, abusi.

Pietas Pontificia.

Principis eximij Bonitate, attollere cristas
Coepère, indomito passim turgescere fastu;
Moliriq; nouas Turbas, et spargere voces
In vulgum inuisas, et quærere apertius arma.

Watsonus, primum Veterator callidus, ausus
Tranquillos Rerû status turbare: sequuta est,
Nescio quo demens *Lancastria* cæca furore.

Wallia postremò: vasfrum sed adire Sinonem
(Quem modò magnificâ spatiantem liquimus Aulâ)

Præstat, hic astuta vt versat molimina Mente,

Perceo occurrit, (Regis fuit Iste satelles,

Mancipium *Papæ*) commissa negotia pandit.

Remque, virumque auidè complectitur Ille, fidemque

Ambo promittunt firmam, quam neuter habebat:

Et iunctis iurant scelerata in fœdera Dextris.

Vos (Rerum Domini) diras nutritis Echidnas,

In gremijs vestris, Aulæ qui admittitis intra

Limina Papicolas, latet abditus Anguis in herba.

Proditio infamis, damnosa Rebello, Cædes

Horrendæ, et Stygiam redolentia pharmaca fraudem,

Sunt Studia Istorum, iam vulgatissima Mundo

Toti, et *Catholicæ* Monuméta perennia *Seçtæ*.

His scandunt *Cælum* meritis; sic itur ad *Astra*.

Versutus statim mutato Nomine, *Falsus*,

Percei famulus vulgò perhibetur, et illâ

Ignotus speciè eructat lethale venenum

Securè, et Sceleris trahit ad consortia multos.

His ità transactis, clàm rursus trans mare currit,

Et *Matrem* reddit certam, gesta Ordine pandens.

Collaudat, suadetque bonis successibus, instet

Gnauitèr, atque amplo dimittit Munere lætum,

Instructumque nouis mandatis: impiger ille

Accelerat

Pietas Pontificia.

Accelerat reditum, veteres nec transit Amicos :
Austriaci invifens *Aulam*, qui fitnè Sacerdos,
An Bellator atrox, exorta est *Questio* nuper.
Conuenit hic Profugos *Angla* de *Gente* nouarum
Percupidos Rerum, Patriæ mala damna precantes :
Monstra hominum, pelago, rapido qui turbine moto,
Pifcari gaudent ; currenti calcar acutum,
Et ftimulos addunt, fua quisquis fymbola confert ;
Inuentifque nouis cumulant, Technifque, Dolifque,
Et fcelere occultare docent Seelus : Ille reuerfus,
Antiquo famulatur Hero, cui fingula narrat,
Et maturandum facinus : fe nempè paratum,
Omnigenis locupletem Armis, quæ aut *Itala Tellus*
Fraudibus infamis, vel Regna *Acherontis* haberent.

Hinc fele accingunt Operi, Sociifque vocatis,
Confilium capiunt, fenfusque ex Ordine dicunt,
Hic vitam *Regis* cultello, aut Arte *Brasuti*,
Tentandam, aft alius iugulandum cenfet amici
Hofpitij speciè, quandò laffata per æftum,
Venatu placidus mulceret corpora fomnus.

Horrefco referens totus, vox faucibus hæret.
Et Parricidas nullus metus occupat Iftos
Talia qui faciunt ? diuina, humana nefandè
Mifcent, *hofpitij* Gentes facrata per omnes
Barbaricas violant iura intemerata, fidemque.

Talia iaétantes audiuit *Falfus*, at Ille
Longè (ait) à vera erratis (mihi credite) meta :
Parua hæc feftari Nobis non conuenit: vno
Radicè, et Ramos, fimul iètu exfcindere preftat.
Si *Regem* è medio tollamus, nobilis hæres
Henricus, Regno potietur, Sanguinis acer
(Credere fic par eft) ultor, vindexque paterni.

Qui

Pietas Pontificia.

Qui cū sit magnæ Princeps virtutis, et altæ
 Indolis, in nostros haud tutum est crescere lūstus;
 Semina sic generosa solent exurgere in Orsus
 Prægrandes, primò sic Ceruus parius, inermis,
 Incipit arboreos statim diffundere Ramos,
 Cornigerasque inter Ductor præcedere Turmas.
 Ingentes flammæ, scintillula parua cieuit
 Neglecta incautè, vastas et perelidit Vrbes.
 Paruus hic, octavum cogit meminisse potentem

Henricum, sancto lethalia vulnera Papæ
 Qui inflixit primus, funestum Nomen, et Omen
 Horresco *Henrici*: mihi stat Sententia firma,
 Funditus *hæreticam*, invisamque euellere *Stirpem*,
 Id qua nunc dextrè fiat Ratione docebo.

Est antiqua Domus, proprio vicina cubili,
 Hæc *Angli Satrapæ*, *Consultoresque Britanni*,
Concilium summis Regni de Rebus habendum
 Decernunt; primoque Diè pro More solenne est
Regem, *Reginam*, paruo cum *Principe* adesse,
 Magna cum Pompa, stipatorumque Caterua,
 Palmatisque Togis, Gemmis, auroque refulgent.
 Ingens sit Populi concursus compita complens:
 Turbis se adglomerant densis, spectantque Triumphū,
 Ædibus his facile est furiosas subdere flammæ,
 Atque perorantem *Regem*, *Procuresque* silentes,
 Turbine Sulphureo, sublimes mittere in auras.

Hæc vbi dicta tacet: magnis applausibus illi
 Collaudant facinus: *Catsbeius* talia fatitur.
 Pulchrum Consilium: sic quæ Domus intulit altæ
 Pontifici plagas, plaga ferietur atroce.
 Sic nos *Catholicæ Causæ* memorabimur olim
 Instauratores, sanctoque ponemur in *Albo*.

Pietas Pontificia.

Sic peccata luent, qui iniustas condere leges,
Et maculare manus sancto assueuere cruore
Mystarum, nostris opibus, Spolijsque superbi.

Hinc iuuenes quosdam selectos vertere terram
Iuratosq; iubent, alij mandata capestant,
Consortes moneant, vt Tempore designato,
Armati accurrant celeres, quò funditus hostes
Incautos subito *Malé-puros* perdere possint.
Et genus inuisum Terris abolere relictum.

Fossores primò, *Persi* ex Conclauibus, altas
Educunt fossas; et subterranea longè
Antra cauant, nudantq; Loci fundamina facti.
Interea *Perseus* Cellam magis vsibus aptam,
(Cui suspensa Domus) pretio conducit et illa,
Zythum, Carbones, et Ligna recondere fingit.

Hæc vbi pro votis cesserunt, prospera sperant
Omnia, et extremus *Falso* concreditur Aëus.
Dæmō hic, (haud hominis dignabor nomine posthac)
Ambulo nocturnus, fraudis scelerisq; Magister
Horribilis, Pyrij vim magnam pulueris intus
Clàm portat, plenisq; Cadis, hìc collocat illic.
Dolia bina addit, finestis mercibus implet,
Regis substernit Solio, Segmentaque Ferri
Imposuit, Ligniq; strues superaddidit illis.
Consimili obtexit reliqua omnia furcifer Arte.

His ita dispositis, damnosa mente, *Novembris*
Quintum auidè expectat, Scelus ad crudele paratus.
Quale nec antiquæ *Catilina* nefarius olim
Roma intentauit, *Indæis* perditus *Haman*.
Singula si euoluas veterū Monumenta, Libroq;
Barbariam totam perlustres, non tibi tantum,
Tam horrible occurret facinus, crudele, perosum.

Pietas Pontificia.

*Rex, Augusta, puer Princeps, Stirps Regia tota,
 Illustres Proceres, et Germina Nobilitatis,
 Iustitia et Legum Patres, Clerus reverendus,
 Flos Generosorum, summus sanctusq; Senatus,
 Angila tota vnâ perijsset percita plagâ.
 Haud secus, ac cum quis leporem (quem viderat antro
 Securum dormire suo) cum Fuste peremit
 Rusticus incautum: Gentem, Nomenq; Britannum
 Sic Draco terebilis subitò oppressisset, et omnes
 Anglo-Christicolas vno absorpsisset hiatu.*

Vasta adeo Latio sunt Guttura, et horrida Monstro.

Quis Cladem illius poterat narrasse Diei?

*Quisque triumphantes Urbis, Patriaque ruinas
 Inter Sicarios graphicè depingere? centum
 Si mihi linguae essent, totidemque in pectore Mentis,
 Non possem tantos fando explicuisse dolores.*

*Da mihi Maeniden, et tantos obijce Casus,
 Arduum onus fugeret, proprijs et viribhs impar*

*Namque mihi videor flagrantem cernere Troiam
 Rursus, et horisono misceri cuncta Tumultu
 Londinum imperio florens, opibusque superbum,
 Emporium Europæ, flammis furialibus ardens:
 Moenia perrumpi, compleri Milite vicos
 Armato, irato, dispergi corpora passim
 Exanima, et plenos currentes sanguine riuos,
 Per plateas, per templa, domos, crudelia vbique
 Lamenta, et lachrymas, planctus, gemitusq; sonantes:
 Errantes pavidas per tecta insignia Matres,
 Complexas teneros Gnatos, atq; oscula falsis
 Figentes lachrymis commista; vlulatibus ædes
 Fæmineis passim reboantes: omnia sæuo
 Vulcano superante, Aulam quâ Iura Popello*

Pietas Pontificia.

Palmati dictant *Patres*, *Regumque* Sepulchra
Priscorum, et multos *Monumenta* intacta per Annos.

Adde his, quod funus *Patriæ*, celebrisq; cadauer
Londini, *Regum* Sedis, Sceptribus *Britanni*,
Proh scelus : haud quisquam poterat luxisse superstes.
Principe sublato, *Satrapis*, summoque *Senatu*,
Quippe animus fuerat, Crimen diuertere in hostes,
Et *Furitanos* Praconis voce nefanda,
Promulgare reos Sceleris, proscribere vbique
Deuotè Neci, flammis, ferroque, per omnes
Circuitus Regni : Sunt hæc *Cacodæmonis* Artes,
Non hominum indubiè; facinus celare stupendo
Exosum scelere, innocuos traducere fontes,
Plectere supplicijs summis, peruertere Regna
Integra, et infantum sese satiare cruore.

Dæmones aut non sunt, aut hæc sunt *Dæmonis* Artes
Atque Opera, humana speciè, formaque vagantis.

Sed *Pater omnipotens*, Moderator et Arbitrator Orbis,
Maxima Seruorum cui semper cura suorum,
Cuius per totum vigilans perrepat vbique
Mundū Oculis, Terras omnes, Maria intima lustrans,
Abdita et abstrusis penetralia cæca tenebris;
Cui *Fraus* tecta, *Dolus*, scelerata *Rebellio*, *Cædes*
Infantum exosæ, *Rectum*, *Iustumque* probatur,
Prospiciens quanto *Britonum* Rex, *Resque* periculo
Versentur, placida depromit talia voce :

Aligerum immensa Thronum cingente Corona.

Cernitis, vt *Satanas* Veterator callidus, astu
Strauerit insidias Stygio, quo funditūs *Anglos*
Deleat è Terris, qui nostrum Numen adorant :
Triticeosq; *Deos*, et Marmora muta reponat.
Hæc si succedant, lethalia vulnera magna

Pietas Pontificia.

Bestia curabit, *Babylon* reparabitur, Orbis
 Illusor, Fraudis, Cædis, Scelerumque Magistra,
 Irrita priscorum fiet Sententia Varum,
 Qui triste exitium *Roma*, certasque ruinas
 Prædixere olim : diris obsistere cæptis
 Certum est, et tantas *Anglis* auertere clades.
 Qui quamuis digni sunt, qui plectentur, abusi
 Eximijs meritis nostris, summoque Favore,
 Sicarij tamen indigni, qui talia sumant
 Supplicia, at præstat rapidas extinguere flammæ,
 Iam Iamque arsuras : ad se vocat ocyus unum
Aligerum ex turba *Ætærum*, cui talia mandat.

Protinus *Albionem* celeri contendito cursu,
 Et *Regem* in somnis moneas, Discrimina quanta
 Immineant, quantosque sinu nutriuierit Angues.
 Qui sibi, qui Regno infidias struxere cruentas,
 Utque loco caveat sibi circumspectus ab illo,
 Quò magnus cecidit Romanus *Iulius* olim.
 Mox Dominum Monteglu adeas, cui Cautio missa est,
 Ut se *Concilio* magno subducatur amica
 Quippe hominesque, *Deumque* simul sanxisse luendas
 Ordinibus Scelerum pœnas, subitasque procellas.
 Se Rus proripiat, confestim, Euentaque spectet,
 Combusta nullum charta, superesse periculum.
 Officij hunc moneas, *Patria*, *Patriæque* *Parētis*
 Curâ habeat, *Regem* faciat cognoscere scripta
 Quæ sibi clam fuerant, sine Nomine, at Omine fausto.

Impiger alatus Iuuenis festinat ad Oras
Brutigenum celebres, et iussa fideliter implet.
 Heroi statim *Morleo* inspirat honestas
 De *Patria* curas chara, *Regis*que salute.
Principis et miræ collustrat acumine Mentem,

Soluere

Pietas Pontificia. I

Soluere quo obscuris perplexa Enigmata nodis,
Extemplo et facile possit, velut Oedipus alter.

Morleus Regis de consultoribus vnum,
(Quæ norat, veteri nil quicquam cedere *Vlysi*.
Iudicio pollentem acri, ingenioq; sagaci)
Seligit, atque illi Rem totâ ex ordine pandit.
Hic Socijs narrat reliquis, hi denique *Regis*
Solliciti ostendunt: profertur Epistola: cuique
(Vt solet in dubijs) variat sententia rebus.

Rex prudens, tacita pervoluens singula Mente,
Sic tandem: Indicia hæc non sunt temnenda: latentes.
Exiguum primò sumum monstrasse caminos
Commemini ingentes; latet abdita stramine Bubo,
Aut ego fallor, (ait) Rumores quippe recordor
De *Romanistis* sparso, quos irrequietis
Spiritus exagitat furij malis, atra minantes
Nescio quæ: *Nunquâ nocuit cautela Monarchis*
Magna licet, quorum vitæ infidiantur acerbi
Compluresque hostes, surgit noua Machina forsan,
Vel *Troianus* equus, vel feditiosa Caterua,
Vel *Iacobita* alter, nostros armatur in Artus:
Monstri aliquid (mihi credite) alunt errata cerebri
Non sunt hæc læsi; sapiunt sed Scripta nefandum
Flagitium, absentem studiose suadet amicum
Se velit, et magnam plagam, subitamque minatur
Occultum rapidumque malum signare videtur,
Quod subito incautos volitet (ceu fulmen) in hostes
Pulvere nil Pyrio rapidum magis, aut furiosum
Dæmonis Inuento forsan meditantur abuti
Pernitiem in nostram, cupio cognoscere quinam
vicinas habitent *Ædes*, num Cellula quæuis
Aulæ subiaceat, primo Me tempore certum

Pietas Pontificia.

Rebus de his facite, accurata indagine facta.
Regalis Custos Camera, mox singula lustrat
Sedulus, et *Regi* quæ viderat, illico narrat.
Persecum contiguas ædes habitare, Cauernas
Subiectas, multo Ligno, et Carbone referras.

Orta hinc suspitio maior, quartoque *Novembris*
Aulicus antiquus, fidusque remittitur, ipso
Noctis in obscura medio *Kneuetus*, vi acri
Scrutetur studio, quævis Penetralia, et omnes
Excutiat latebras, vestes se quærere raptas
Regineas simulans, pauca stipante Cateria.

Primus hic offendit *Falsum*, *Cacodæmonia* Cellæ,
Solum, vilitum, atque ocreatum ad Limina stantem:
Quippé Penu omnigeno nupér cumulauerat *Aetnam*,
Igniuomam, flammis *Patriam* quæ absumeret omnem
Sulphureis, Stygia velut eructante Palude.
Anglia iam bis sex tantum non amplius horas,
Vulnere distabat lethali, et Funere acerbo.
Hunc iubet actutum comprèndi, moxque subintrans,
Cellam, Lignorum magnos subuertit aceruos,
Cum subito, attonito *Facinus* sonat ore *Minister*
Horrendum: *Pyrius* prohi hic Pulvis conditur; vnum
Ipse Cadum inueni, plures dubio procul omni,
Contecti his latitant Liguis, Scelus heu Scelus ingens:
Mox alios, aliosque trahunt, numeroque triginta
Quatuor atque Cados, et Dolia bina recludunt,
Exitiali, atro, infernali Pulvere plena.

Qui *Falsum* penitus perlustrant, pensile collo
Idolum abripiant, et Sacco corpus amictum
Interius cernunt, dein vestibus abdita promunt
Instrumenta, quibus Vulcanum immitteret *Aetna*,
Iam Iamque arsuræ flammæ submitteret *Aetna*.

Quis

Pietas Pontificia.

Quêis *Britonum* Imperium florens per Secula multa,
Et *Gentem Anglorum* claram, deleſſet in vno
Temporis articulo, et niſtu pernicis Ocelli.

Hic Crimen per ſe clarum, confeſſus, et illud
Angere ſe ſolum, quod Res infecta fuiſſet.

Exclamant omnes Cœlum, Terramque, nefandum
Prodigium, facinusque nouum, cui tale nec vnquam
Intima *Barbaries* vidit, nec *Turcica* Tellus.
Gallica cui infamis cedit Laniena, piorum
Cladibus inſignis, preſentis Dedecus *Æui*.

Extẽplũ magnam volitauit Fama per *Vrbem*,
Perquẽ *Aulam*, longẽ et latẽ velociter omnes.
Amplẽ peruiadit Vicos Regionis, vbiquẽ.
Ingens lætitia, et ſublata ad ſydera Palma.

O quãm Te memorem (*Celfi Moderator Olympi*?)
Qui premis imperio Terras, qui fulmina torques,
Fœderis vſque memor, iſtas et tardus ad Iras.
Quas tibi depromam laudes? quæ vota rependam?
Tũ nos ſeruasti ferro, flammisq; dicatos,
Deuotosq; Neci, et miſerandis Cladibus, vnus,
Inuigilas Custos ſanctus, fiduſque *Sionis*:
Vt velut ẽ ſeu raperes nos dentibus *Vrſi*,
Iſtis tu reuocas rediuiuos faucibus *Orci*,
Tu nos ſeruasti ſolus, tua Dextera textit
Immeritos, ſummũ Tu nos ſcctatis amore,
Obdura cum nos, in te ceruice rebelles,
Quotidiẽ innumeris *Vitijs* laxamus habenas,
Cum Cultum, Nomenque tuum contemnimus, Ipſos
Excipimus ſannis *Vates*: et viuere rectẽ
Ducimus in probris: *Peccator dicitur ille*
Qui nihil offendit: velut is malẽ ſanus habetur
Infanos inter, qui non inſanit, vt *Illi*.

Inſinita.

Pietas Pontificia.

Infinita tua est Bonitas, Clementia, Tales,
 Tempore qui Tali (*Pater optime maxime*) curas
 Qui Te, quique Tuos nil curant: qui sua tantum
 Commoda, et instabiles cupide insectantur Honores,
 Molliat hæc tandem Bonitas, adamantina Corda,
 Et Nos in lachrymas toros dissoluat, inertes
 Excitet, antiquum excutiat validumq; Veternum,
 Illustres oculos cæcos, commissa videre
 Crimina concedas, (*Pater optime,*) visa dolere
 Assiduus lachrymis, et acerbo plangere fletu.
 Vt sacro-sancti verbi (quo nil habet Orbis
 Thesauro maius) viuiamus Luce cornuta
 Digni, nec Gentes sub Christi Nomine agamus.
 Millia nostrorum Fratrum modo leuiter Annus
 Absumpsit, cum dira Lues sæuiter ubique
 Insidias Stigias, nunc ægrè euasimus: ense
 Iam iamque hærentem jugulo, tua Dextra reuersa
 Hæc te peccatis altè clarèq; loquimur
 Iratum nostris, minitari, ostendere Virgam,
 Et quassare manu miti, deponere rursus:
 Vt mater Gnatum castigatura tenellum,
 Sæpè leuat tremulas palmas, reuocatquè vicissim.
 Quod si nec Verbis, Monitisque Minisq; Paternis
 Proficimus, (quid enim nisi verbera sæua supersunt?)
 Forſan in ardentem Patientia læsa Furorem
 Erumpet, stipulæque instar, consumet iniquos.
 Quin moniti toties, discamus sancta vereri
 Numina, *Euangelij* mēliores reddere fructus:
 Nec *Babylona*, pijs Hostem, Sedem *Anticristi*,
 Sentinam Scelerum, infano insectemur Amore:
 Sed potius veterum per nos *Oracula Vatum*
 Complementa habeant, da magnum exurere *Scortum*,
Cedeque

Pietas Pontificia. I

Cedeque *Romuleas* fundatas vertere *Turres*
 Sanctorum; *Palmani* hanc nostro concedito *Regni*
 Cuius vita Tibi cum sit pretiosa, vicissim
 Chara Illi Tua sit, pretiosaque, Gloria semper.
 Lampada *Euangelij* magis et magis excitet, hostes
 Cognoscat, caueatque suos, plectatque nocentes
 Subiectis, parcat fidis, subigatque superbos,
 Iustitiam ut *Riuos* faciat decurrere *aquarum*,
 Per Tractus omnes Regni, per Compita, et Vrbes
 Sic regat ingentes *Populas*, ut viuus ametur,
 Fragrantem et post se Famam, Nomenque relinquat.
 Insignes Regni *Proceres*, summusque *Senatus*,
 Perpetuo Nomen sanctum amplectentur Honore
 Tantis pro Meritis, parata Patriæque Salute,
 Egregias leges promulgent *Aedibus* illis,
 Seruatis pro *Aris*, et Regni prosperitate,
 Queis (ut *Oues*) fuerant *Cædi*, flammisque notari:
 Atque *Cantantes* istos, *Meretricis* alumnos
 Purpureæ, è medio tollant, qui sentibus ipsos
 Acribus, et multos stimulis pupugere per Annos.
 Qui Patriæ jugulum, plagam secuisse per vnam,
 Infandum aggressi facinus: sic vota *Neronis*
 Æquassent facto: qui spirant nil nisi *Cædes*,
 Infantum, *Regumque* *Neces*, qui furta, Rapinas,
 Turpia adulteria, incestus, et Crimina quæuis
 Pro nihilo reputant; quorum nec Mentio debet
Christicolæ inter fieri, nec Nomina nosci:
 Quique stipem è *Scortis* foedam, redditusque quotannis
 (Nec pudet) accipiunt; *Cœles*, *Terrasque* remissent.
 Has diras *Viperas*, nostris latitare medullis,
 (Quæ Patria erodunt ventrem) nos Monstra sinemus
 Talia? Naturæ leges qui cordibus ipsis,

Pietas Pontificia.

Coelitus insculptas maculant, Nervosque refringunt
Humanae vitae, faciunt quæ *Turca* prophanus,
Barbarus, aut *Indus* nollit, vel perfidus *Afer*.

Si facimus, digni in Foveam, Cassesque ruemus
Edo si toties frustra, vel Testibus ipsis :

Tu iustus merito *Index* perhibeberis olim.

Præstigias potius magnæ *Meretricis*, et Ipsam,

Intento (vt par est) Studio vitemus in *Æuum*,

Cumq; illâ post hæc Commercia nulla habeamus.

Tu (*pater omnipotens*) qui nostræ es Portio, noster

Es Clypeus (prius vt) sartos, rectorq; sub Alis

Protege Nos semper, *Babylonis* et irrita spargas

Consilia, vt Coelos contra, pugnare nefando

Desistat Scelere, et Sanctorum sanguine vesci.

Nosque tuum Numen, tua Facta ingentia festis

Carminibus, gratisque Animis celebrabimus vsquæ :

Semper Honos, Nomenq; tuum, Laudesque sonabunt.

Omnibus in Templis, Domibus, Vicisque Pagisque.

Albionis : Cultusque tuus florebit in illâ

Igniferos Phæbus dum Coeli circulat Orbes.

FINIS.

Soli Deo Laus et Gloria,

in Secula.

Errata.

Page 5. line 10. *Seclus* pro *Soelus*, page 8. line 5. *Angila* pro *Anglia*, page
11. line 23. *non* pro *non*.

